

DEO OPTIMO MAXIMO VNI ET TRINO
VIRGINIQUE DEIPARÆ.

ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA.
CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS DECIMA QVARTA MARTII.

M. LVDOVICO RENOVARD Doctore Medico, Præside.

An ex solo pane & aquâ vita salubris?

890.

VITA calore & humido continetur: hoc si copiosum & *μὴ ἐκλεγεσθαι*, perpetuus est illius fomes perennatque diù, inde animantibus plantæ, animantium proceræ parvis, fœminis mares, graciles obefis, septentrionales meridionalibus vtrplurimum *μακροβιοῦσσι*; ille *ἀεικνέων*, quod sibi domicilium finxit, ineluctabili fato sensim dissoluens, tandem ruit in perniciem: non æquo tamen pede, nunc enim ingesto suaviore cibo pastus, nec tit moras, nunc fugit ocyus, dùm ingratum sibi pabulum fastidit. Potestne aliquis *ἀσθενος* viuere?

IVSTA rerum opifex & conservatrix Natura, quò diutius calorem in corpore sistat, numerosâ illud nutritiarum partium instruxit supellectile, vasa quamplurima, focos, ministros apparatus illi epulis dicavit. horum alij delectui ciborum præfecti, vtrlingua, palatum, gula: alii coctioni, venter, hepar, venæ, arteriæ: alii quod superfluum est, aut potest esculentorum gratiam ac dulcedinem vitare, secernunt, fugant, excipiunt vt fellis vesicula, lien, intestina. Omnium consensus & integritas, sanitatis summa. Verùm sapius salutem gula prodit. Disrumpit ventres, intestina cum cibis permiscet. Ab edacitate fœrens ac molesta cruditas, è cuius cœno morborum examina pullulant. Illius lasciviæ iniciendi fræni, per nullas interdum, quæ vacationis omnis vires quant, vel feras, vel æscendentes efcas. An xerophagia sicco mentis splendori gratissima?

IN pingui corpore esurit anima. Qui adipi solum studet & robori, vorax gurgēs, iners terræ pondus. Nùm rara ingenii & roboris concordia? Beluinus homo ventri obedit, sapiens rationi. Illius blanditias si non audis, pane simplici & syncero aquæ potu, egentis naturæ desideria porsus impleueris. Hacce expeditâ & parabili mensâ, primi orbis incolæ seculorum annos vivebant, ex ciborum inopiâ longâ & salubri senectute diuites. Parcebat bestiarum animis, vuarumque sanguini, beatum & innocens hominum genus. Fructibus, herbis & radicibus, quas terra sponte fundebat, commodissimè vescébatur. Occurrit triticum, diuinâ forte, manna purius mortalitatis. Ex eo comminuto, subactò, igne cocto, panis factus. Atque in eo Natura, ad suum nutritionis opus, non recusavit Artis opem. Quæ insuper, ne crassiori mole ventriculum premeret, faciliusque in corporis extrema deduceretur, fermenti condimentum addidit, variosque coquendi & apparandi modos excogitavit.

CONDIMENTVM optimum fames, cuius optabilior cœna, panis. Huius vim & dignitatem necessitas, varietates ars inuenit. Leguntur vel ex ipsiis frugibus, vel ex partibus farinæ, densiore subcemiculo aut rariori succussæ, vel coctionis apparatus. Sufficiat omnium optimus ex generoso tritico siliagineus, qui moderato furni calore percoctus, laudatissimam pistrinarum operam acceperit. Firmissimus est, lautissimus, mollis, tener, euchymus, cuilibet ætati, naturæ, temperamento familiaris, stomacho perplacet, coquitur facile, membratimque digeritur. Apage subcineritios, craticulares, artolaganos, ostrearios, specullicos. Dedisce bellaria, sportellas, liba, rhyemata, lagana, aliaque id genus cupedia palati luxuriantis. Omnia grauis succi, fofforis potius quàm delicati ventriculo accommoda, fœdam congerunt excrementorum sarcinam, nec tam appetentiam explendo quàm irritando, vitiosam plenitudinem inuehunt.

NEC refecandum gulæ dimidium. Qui cibis sobrius corpusne vinis inundabit? Vini vsus ferè nullus salubris. Quem suasit imbecillitas, temperans consuetudo dissuadere potest. An abstemii vini potioribus viuaciores? Potum præbeat, non impurus amnis, non stagnum, aut limosa palus, aquæ id genus sordidæ, pigræ, indomitæ, duræ, graueolentes, sed nitidissimus fontis ad orientem decurrentis alueus. Antiquissimus hic animalium hominumque potus viscera facillè permeat, non grauat pondere, panis alibilem succum promptè distribuit, caloris natiui, humidum primigenium continuò depascentis, retundit aciem, & assiduum, fluído licet obice, substantiæ nostræ fluorem remorat. Felix igitur panis & aquæ coniugium. Assuece, si potes, beatæ huic & frugali vitæ. In corpore sano mens diù vigeat sana, & inoffenso cursu traduces æuvm. Qui intemperanter viuuit, non tam malè viuuit, quàm diù moritur.

Ergo ex solo pane & aquâ vita salubris.

F.M.P.
BIBLIOTHECA

337.

Proponebat Lutetiæ IOANNES LE PREVOST Virienfis. A. R. S. H. M. DC. XLI.